

ODLUKU

O PROMJENI STATUSA NEPOKRETNOSTI

Član 1.

Utvrdjuje se da je zemljište označeno kao:

- k.č. broj 1296/3 površine 47 m² nastala od k.č. broj 1296/1 i k.č. broj 383/42 površine 654 m² nastala od k.č. broj 383/1, obje upisane u zk. uložak broj 627 K.O. Gornji Butmir kao nekretnine koje predstavljaju javno dobro, izgubilo status zemljišta u općoj upotrebi, javnog dobra.

Član 2.

U zemljišnim knjigama Općinskog suda u Sarajevu brisat će se izvršeni upis zemljišta opisanog članom 1. ove Odluke kao nekretnine - javno dobro u Iskazu I i isto upisati u novi zk. ul. K.O. Gornji Butmir kao državna svojina sa pravom raspolaganja u korist Općine Novi Grad Sarajevo sa 1/1 dijela.

Član 3.

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-12018/09
Veza broj 07-31-4881/09
25. juna 2009. godine
Sarajevo

Predsjedavajući
Općinskog vijeća
Aner Šuman, s. r.

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novi Grad Sarajevo ("Službene novine Kantona Sarajevo", broj 25/04) načelnik Općine Novi Grad Sarajevo, verifikovao je

ODLUKU

O KOREKCIJI REGULACIONOG PLANA "HEPOK-ČENGIĆ VILA III"

Član 1.

Usvaja se Korekcija Regulacionog plana "Hepok-Čengiće Vila III" (u daljnjem tekstu: korekcija Plana) "Službene novine Kantona Sarajevo", br. 13/2002. godine.

Član 2.

Korekcijom Plana se, na dijelu zelene površine, označene kao dio k.č. 115/1 K.O. Novo Sarajevo III, daje mogućnost lociranja i izgradnje poslovnog objekta horizontalnih gabarita 11.00 x 10.00 m, spratnosti-prizemlje, sa pristupom preko dio k.č. 221/1 K.O. Novo Sarajevo III.

Član 3.

Korekcija Plana sastoji se iz tekstualnog dijela i grafičkih priloga (izvod iz Regulacionog plana "Hepok-Čengiće Vila III"); - Tekstualni dio i grafički prilozi korekcije Plana su sastavni dio Regulacionog plana "Hepok-Čengiće Vila III" ("Službene novine Kantona Sarajevo", br. 13/02. godine).

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuvaju se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-11612/09
23. juna 2009. godine
Sarajevo

Općinski načelnik
Općine Novi Grad Sarajevo
Damir Hadžić, s. r.

OPĆINA NOVO SARAJEVO

Komisija za Statut i propise

Na osnovu člana 32. stav 1. tačka 1. Statuta Općine Novo Sarajevo ("Službene novine Kantona Sarajevo", broj 12/06 - Prečišćeni tekst, 14/08 i 25/08), člana 50. stav 1. alineja 10. i člana 157. Poslovnika Općinskog vijeća Novo Sarajevo - Prečišćeni tekst ("Službene novine Kantona Sarajevo", broj 12/06), Komisija za statut i propise Općinskog vijeća Novo Sarajevo, na 19. sjednici održanoj 25. maja 2009. godine, utvrdila je prečišćeni tekst Odluke o kriterijima, načinu i postupku raspodjele sredstava iz granta za projekte iz oblasti sporta.

ODLUKA

O KRITERIJIMA, NAČINU I POSTUPKU RASPODJELE SREDSTAVA IZ GRANTA ZA PROJEKTE IZ OBLASTI SPORTA (Prečišćeni tekst)

I. OPĆE ODREDBE

Član 1.

Ovom Odlukom se utvrđuju kriteriji, način i postupak raspodjele sredstava iz Programa projekata za udruženja, sport, kulturu i obrazovanje, ekonomski kod 6143, grant za projekte - udruženja za sport, na razdjelu Jedinstveni općinski organ uprave.

Odlukom se propisuje formular za aplikaciju projekta na Javni poziv i njegova sadržina.

Član 1-a

Dodjela sredstava se vrši u skladu sa budžetom predviđenim sredstvima za tu godinu, a realizovat će se u skladu sa odredbama Odluke o izvršavanju budžeta Općine Novo Sarajevo za tu godinu.

Član 2.

Sredstva iz člana 1. ove Odluke dodjeljuju se udruženjima, klubovima, sportskim društvima i drugim subjektima koji su registrovani u Bosni i Hercegovini, imaju sjedište na području općine Novo Sarajevo, a čiji projekti su kandidovani za finansiranje iz budžeta Općine Novo Sarajevo i realizuju se u interesu i na području općine Novo Sarajevo.

Sredstva se mogu dodijeliti i udruženjima čije je sjedište na teritoriji druge općine, pod uslovom da se projekat koji se aplicira realizuje u interesu općine i u potpunosti na području Općine Novo Sarajevo.

Član 3.

Sredstva se dodjeljuju na osnovu Javnog poziva.

Javni poziv za raspodjelu sredstava iz člana 1. ove Odluke se objavljuje u sredstvima informisanja i na zvaničnoj web stranici Općine Novo Sarajevo najkasnije 15. dana od dana stupanja na snagu ove Odluke.

Javni poziv za raspodjelu sredstava traje 15 dana od dana objavljivanja u sredstvima informisanja.

Član 4.

Odabir projekata za finansiranje iz budžeta vrši Komisija koju imenuje Općinski načelnik.

Komisija ima predsjednika, sekretara i tri člana.